



Selamat jalan PM China!

■ **PERDANA MENTERI**, Datuk Seri Dr. Mahathir Mohamad (kanan), mengucapkan selamat jalan kepada rakan sejawatnya, Perdana Menteri China Encik Zhao Ziyang, di lapangan terbang antarabangsa Kuala Lumpur, di Subang, petang semalam.

Setelah menamatkan kunjungan rasminya tiga hari ke Malaysia mulai Ahad lalu, Encik Zhao serta rombongan akan berada di Singapura pula.

Encik Zhao dan Datuk Seri Dr. Mahathir mengadakan dua perundingan berasingan Ahad lalu dan kelmarin di mana sebilangan besar isu ditimbulkan berkisar mengenai masalah Kampuchea serta pertalian Parti Komunis China dengan Parti Komunis Malaya.

Di akhir peremuannya kelmarin, Datuk Seri Dr. Mahathir memberitahu pemberita secara keseluruhannya perhubungan Malaysia dengan China menunjukkan sedikit perubahan sihat sekiranya dibandingkan dengan zaman sewaktu lawatan Encik Deng Xiao Ping tiga tahun lalu.